

# Mauznancuz Beixnuengx Angqhoh Ciet Baenlungz

## 在邕毛南族同胞迎庆分龙节



▲Gwnz hoih yienhciengz.



▲Foux “vadingigaj” ndeiawj raixcaix.



▲Gyoengq saimbwk bouxcoz angq diuq foux “feizdauq”.



▲Daegmbauq Mauznancuz eu“beijgien”.



▲Naj “feizdauq”.

Bonjbauq siusik (gicej Veiz Yennaz/韦愿娜) 6 nyied 13 hauh, 300 lai boux beixnuengx Mauznancuz youq Nanzningz guhhong、swnghoz haenx doxcomz youq Gvangjsih Minzcuz Vwnzvuzyen guh hozdung, angqhoh Ciet baenlungz Mauznancuz.

Ciet baenlungz dwg aen ciet conzdungj Mauznancuz gouz saenz baujyouh ndaej fungsou ndeu. Gvaq ciet ngoenzde, ranzranz guh haeux-naengj haj saek caeuq nohnaengj, gaj mouseiq, bouxlaux lwgnyez daenj buhmoq vaqmoq, dawz haeuxnaengj nohnaengj bae gyauejreh gyauejnaz caeq boux singq Nungz, gouz rumz swnh fwn cuk, haeux ndaej fungsou; gyoengq vunzmbanj lij gaj cwz bae ndaw miuh caeq Goengsamgyaiq, gouzmuengh vunz-ranz bingzan. Ciet baenlungz hix dwg ngoenz bouxcoz saimbwk Mauznancuz doxcomz eu fwen

guhyoux. Seizneix, Ciet baenlungz Mauznancuz gaenq dwg gih raeuz cib aen ciet vwnzva binjbaiz hung ndawde aen ndeu.

Guh hozdung ngoenzde, gyoengq beixnuengx Mauznancuz ciengq “beijgien”, diuq foux “feizdauq” caeuq foux “vadingigaj”, baijyienh le gij gwndaenj vuenyungz lwgminz Mauznancuz, ndeiawj dangqmaz.

Vanzgyangh Mauznancuz Swciyen Cwnghiez fucuzsiz Danz Gungjsunh youq gwnz hoih hozdung naeuz: “Ngoenzneix, raeuz youq Nanzningz angqhoh Ciet baenlungz, dwg dauqngex Goengsamgyaiq, hungzyangz minzcuz vwnzva, hawj aen ciet geq neix fatok gij rongh seizdaih moq. Gyoengq bouxcoz aeu haengqrengz guh saeh, haengjheiq roengzrengz gensez mbanjranz, vih gensez ndei mbanjranz, saedyied aen siengjmuengh Cungguk hungmbwk haenx ok faenh rengz swheij.”

# Gveigangj:Cuengh Gun Song Vahsaw Hagdangz

## Guh Hozdung Angqhoh “Roek·It”Ciet Lwgnyez

贵港:壮汉双语学校举办活动庆祝“六·一”儿童节

Youq “roekit” ciet lwgnyez daeuj daengz gaxgonq, Gveigangj Si Cinzdangz Gih gij hagdangz Cuengh Gun song vahsaw sonhag haenx youq Gujsanh Siujyoz gawjbanh hozdung, angqhoh “roekit” ciet lwgnyez. Cinzdangz Gih mizgven bouxlingjauj、Mungzgunh Yangh Cunghsinh Siujyoz bouxlingjauj、bouxucwz gak aen hagdangz Cuengh Gun song vahsaw、hagseng caeuq mbangj vunzranz hagseng gungh 600 lai vunz camgya hozdung.

Baez hozdung neix cawjdaez dwg “siengjmuengh Cungguk gou·lwgnyez angqyangz muengh ngoenzcog”, hozdung neiyungz miz: Doxdax ciengq diuz go minzcuz ndeu; doxdax gangj aen gojgaeq Vahcuengh ndeu; doxdax guh yiengh hong dinfwngz ndeu; doxdax ingj mbaw siengq ndei ndeu; doxdax sij fuk suhfaz ndeu.

Hozdung neiyungz lai cungj lai yiengh, ndeiawj raixcaix, baijok le gij hong ak Cuengh Gun song vahsaw sonhag Gveigangj Si. Ginggvaq gyoebhab bingzbeij, Mungzgunh Yangh Gauhcan Siujyoz aeundaedai’it mingz, Gujsanh Siujyoz caeuq Sinhlingi Siujyoz baenbied aeundaedai’ingeh daihsam mingz.

Hagdangz gawjbanh doengh gij hozdung neix, hawj aen bingzdaiz ndeu hawj hagseng baijyienh gij dungxaiz swheij, daezsang hagseng simjgyaeu naengzlig caeuq yinzvwnz suyangj, coicaenh hagseng cienzmienh fazcanj. Hix ndaej demlai lienzhab gij gamjingz doengh aen Cuengh Gun song vahsaw hagdangz haenx, fungfouq saeseng swnghoz, coicaenh hong minzcuz vwnzva gensez ndaw hagdangz ndaej fazcanj.

(Huz Bangjhangz/胡榜航)



▲Gujsanh Siujyoz aen cezmuz 《Doiq Fwen》aeundaedai ngeihdaengj ciengj.



▲Gyoengq hagseng doxdax sij suhfaz.

◀Couh Genjcoz doengzhag soujgungh cozbij 《Vamoiz Doxcomz》aeundaedai’ingeh ciengj.